



Foto: Jan Hrjehor

Na drjewjanych konikach jěchajo wozjewichu Róžeńčanske džěci wutoru po jutrach z procesionom a scěhowacym nyšporom při tamnišej putniskej cyrkwi zrowastanjenje Jězusa Chrystusa. Po dlěšej přestawce bu tutón nałožk loni zaso wožiwjeny.



Wobzamknjenja gmejskeje rady Ralbicy-Róžant

Na posedženju gmejskeje rady dnja 28.04.2022 su so scěhowace wobzamknjenja schwalili:

Wobzamknjenje č. 14-04/2022

Wotwažowanje zapodatych stejnišćow nošerjow zjawnych zajimow a wobydlerstwa wotp. § 1 wotr. 7 a § 1a wotr. 2 sada 3 twarskeho zakonja (BauGB) za dodatne wustawki „Konjegy – zapadny džěl“

Wobzamknjenje č. 15-04/2022

Wobzamknjenje dodatnych wustawkow „Konjegy – zapadny džěl“ wotp. § 34 wotr. 4 č. 3 twarskeho zakonja (BauGB)

Wobzamknjenje č. 16-04/2022

Wobzamknjenje k přepodaću nadawka za sadženje rostlinow při sportnišću w Ralbicach – wopodstatnjenje chwatneho rozsuda wjesnjanosty

Wobzamknjenje č. 17-04/2022

Přiwzaće a posrědkowanje pjenježnych abo wěcnych darow a podpěrow w hódnoće pod / nad 1.000,00 €

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Rycer, wjesnjanosta



Wobzamknjeni techniskeho wuběrka gmejny Ralbicy-Róžant

Na posedženju techniskeho wuběrka dnja 20.04.2022 stej so scěhowacej wobzamknjeni schwaliloj:

1. Stejnišćo k próstwje wo přetwar bydlenkeho doma na ležownosći 33 w Konjecach
2. Stejnišćo k próstwje wo přetwar a znowawužiwanje jako bydlenki dom na ležownosći 29 w Sernjanach

Přichodne posedženje gmejskeje rady gmejny Ralbicy-Róžant wotměje so štwórtk, dnja 19.05.2022 we 18.30 hodž. na gmejskim zarjedze w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so po potrebjce štwórtk, dnja 19.05.2022 we 18.00 hodž. na gmejskim zarjedze w Róžeńće. Dnjowy porjad so přez městne wuwěški wozjewi.

<p>Rěčne hodžiny gmejskeho zarjada w Róžeńće: wutoru a štwórtk: 14.00–18.00 hodž.</p> <p>Rěčne hodžiny wjesnjanosty: štwórtk: 15.00–18.00 hodž. po dorěčenju</p> <p>Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładze hospodarskeho plana, wobzamknjenego wot zapóslancow Sakskeho krajneho sejma sobu financuja.</p>	<p><u>Nuzowe čisła</u></p> <table border="1"> <tr><td>milina</td><td>ENSO Netz GmbH 0351/50178881</td></tr> <tr><td>woda</td><td>Ewag Kamenz 03578/377377</td></tr> <tr><td>płun</td><td>EVSE Wittichenau 035725/7410</td></tr> <tr><td>wopłóčki</td><td>AZV Am Klosterwasser 035796/96026</td></tr> <tr><td>policija</td><td>110</td></tr> <tr><td>nuzowy lékar / wohnjowa wobora</td><td>112</td></tr> <tr><td>wohnjowa wobora Ralbicy</td><td>035796/850086</td></tr> </table>	milina	ENSO Netz GmbH 0351/50178881	woda	Ewag Kamenz 03578/377377	płun	EVSE Wittichenau 035725/7410	wopłóčki	AZV Am Klosterwasser 035796/96026	policija	110	nuzowy lékar / wohnjowa wobora	112	wohnjowa wobora Ralbicy	035796/850086
milina	ENSO Netz GmbH 0351/50178881														
woda	Ewag Kamenz 03578/377377														
płun	EVSE Wittichenau 035725/7410														
wopłóčki	AZV Am Klosterwasser 035796/96026														
policija	110														
nuzowy lékar / wohnjowa wobora	112														
wohnjowa wobora Ralbicy	035796/850086														
<p>IMPRESUM – Gmejska nowina gmejny Ralbicy-Róžant zamołwity: wjesnjanosta Hubertus Rycer Gmejski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah svojich stronow same zamołwite.</p>	<p>Redakciski kónc za wudaće smažnika 2022: 16.05.2022 Prošu zapodajće wšitke přinoški za nowinu z mejlku na: gmejska.nowina@gmx.de Online-wudaće gmejskeje nowiny pod: www.ralbitz-rosenthal.de</p>														

**Gratulujemy wšitkim rentnarkam a
rentnarjam k narodninam a přejemy
krutu strowotu a Bože žohnowanje!**



10. meje	Helena Młodźinkowa	Różant	75. narodniny
23. meje	Uwe Gloxyn	Ralbicy	80. narodniny
24. meje	Hilža Helena Žurowa	Šunow	75. narodniny
27. meje	Pětr Młynk	Šunow	70. narodniny

**Tež wšitkim njemjenowanym narodninarjam přejemy
wjele zboža, strowotu a wosobinske derjeměće.**

Připowědženje zjawneho wupołożenja naćiska hospodarskich wustawkow gmejny Ralbicy-Różant za lěto 2022

Na wšitkich informaciskich taflach jednotliwych wsow gmejny Ralbicy-Różant informuje so zjawnosć w dobje mjez 5. a 13. meju 2022 wo naćisku hospodarskich wustawkow gmejny Ralbicy-Różant.

Hubertus Ryćer
wjesnjanosta

Zjawne wozjewjenje k wólbam wjesnjanosty dnja 12.06.2022

Na posedženju gmejskeho wólbneho wuběrka dnja 12. apryla 2022 buchu zapodate wólbne namjety za wólby wjesnjanosty pruwowane a jich dopušćenje wobzamknjene. Zarjadniski zwjazk skedźbnja w nadawku gmejny Ralbicy-Różant na to, zo so zjawnosć wo zapodatych wólbnych namjetach za wólby wjesnjanosty wot 12. do 23. meje 2022 na informaciskich taflach wšěch wjesnych dźělow gmejny informuje.

Měrko Domaška
předsyda zarjadniskeho zwjazka

Zjawne wozjewjenje k wólbam wjesnjanosty dnja 12.06.2022

W dobje mjez 12. a 23. meju informuje so zjawnosć na informaciskich taflach wo prawje dohlada do wólbneje lisćiny a wo podaću wólbnych lisćikow. Bliše informacije nańdžeće w mjenowanym hamtskim wozjewjenju.

Měrko Domaška
předsyda zarjadniskeho zwjazka

Zawrjenje busoweju zastaniščow w Hrańcy

W zwisku z nowym busowym planom so busowej zastanišći při statnej dróze S 101 hižo dlěje njeposlužujetej a so tohodla zawrětej. Busowe zastanišćo w Hrańcy samej wobsteji dale a so dale poslužuje. Twarske naprawy při statnej dróze wostanu, kajkež wone su, jeli tola zaso trěbne byli.

Hubertus Ryčer
wjesnjanosta

Wopyt w Spálené Poříčí

Lětsa je w dobje mjez 1. a 3. julijom wopyt sportoweho towarstwa Sokół Ralbicy-Hórki a zastupjerjow gmejny pola partnerskeho sportoweho towarstwa Spálené Poříčí a tamnišeho města planowany. Partnerstwo wobeju sokolskeju towarstwow wobsteji mjez tym hižo 62 lět, gmejnje stej 20 lět mjez sobu zwjazanej.

Zajimcy, kotřiž chcedža so na jězbje wobdźělić, móža so hač do 3. junija 2022 přizjewić, a to pak pola Hany Krawcoweje, Dierka Šewca abo na gmejnskim zarjedže w Róžeńće.

Hubertus Ryčer
wjesnjanosta

Dalši šěrokopasmowy wutwar w Budyskim wokrjesu

Budyski wokrjes a Telekom Němskeje GmbH přesadźitej w přichodnych lětach projekt šěrokopasmoweho wutwara clustera 10 A/B. Z nowym projektom móža so dalše špatnje zastarane a spěchujomne adresy wutwarić a škleńčoničowe přizamknjenje dóstać.

Jenož w ramiku projekta šěrokopasmoweho wutwara a za wobmjezowany čas je přizamknjenje domjacnosćow darmotne. Zo bychu so bydlenke abo wobchodne domy w ramiku spěchujomneho wutwara přizamknjón móhli, dyrbi mějićel nadawk k tomu dać.

Tutón „nadawk bjezpłatneho wuhotowanja“ (Auftrag zur unentgeltlichen Herstellung) móža mějićeljo Telekom elektronisce abo telefonisce přepodać, a to hač do 31. julija 2022. Na to dóstanu wot Telekom wopodstatnjenje, kotrež plaći jako dopokaz społnomócnjenja.

Při prašenjach k projektej móža zajimcy kontaktny formular Budyskeho wokrjesa wužić:
www.breitband-bautzen.de

Bei der Landesdirektion Sachsen sind zum 1. September 2022

10 Studienplätze im Bachelorstudiengang Allgemeine Verwaltung mit anschließender Übernahme in den Dienst des Freistaates Sachsen

im Rahmen einer Landesqualifizierungsmaßnahme für Menschen mit Schwerbehinderung an der Hochschule Meißen (FH) und Fortbildungszentrum zu besetzen.

Zielgruppe

Die Ausschreibung erfolgt im Rahmen einer Landesqualifizierungsmaßnahme für Menschen mit Schwerbehinderung oder ihnen Gleichgestellte, die sich für die gehobene Sachbearbeitung und Aufgabenfelder im mittleren Management des öffentlichen Dienstes ausbilden lassen und die Laufbahnbefähigung für die erste Einstiegsebene der Laufbahngruppe 2 der Fachrichtung Allgemeine Verwaltung erwerben wollen. Im Rahmen des Studiums ist eine individuelle Betreuung, Barrierefreiheit auf dem Campus sowie die Koordination der Unterstützung durch Sozialleistungsträger, unter anderem bei der Beschaffung von Hilfsmitteln für das Studium oder der Unterbringung am Studienort Meißen, durch Beschäftigte der Hochschulverwaltung sichergestellt.

Aufbau des Studiums

Der Bachelorstudiengang ist ein dualer, modular aufgebauter und interdisziplinär ausgerichteter Studiengang. Das Studium dauert insgesamt drei Jahre. Es gliedert sich in vier Semester Fachtheorie und zwei Semester Berufspraxis. Das fachtheoretische Studium findet an der Hochschule Meißen (FH) und Fortbildungszentrum (HSF Meißen) statt. Das berufspraktische Studium absolvieren Sie im öffentlichen Dienst des Freistaates Sachsen. Jedes fachtheoretische Modul schließt mit einer Prüfung als Klausur, mündliche Prüfung, Hausarbeit, Seminarleistung oder Projektleistung ab. Am Beginn des sechsten Semesters ist eine Bachelorarbeit anzufertigen, die zum Abschluss des Studiums zu verteidigen ist. Leistungen in Praxismodulen werden in einem Zeugnis ausgewiesen, in das auch die Bewertung eines Praxisberichts einfließt.

Inhalt des Studiums

Inhaltlich liegt der Studienschwerpunkt auf dem Gebiet der Rechtswissenschaften und dabei insbesondere auf dem Verwaltungsrecht sowie dem Privatrecht. Darüber hinaus beschäftigen Sie sich aber auch mit wirtschafts-, verwaltungs- und sozialwissenschaftlichen Fragestellungen. Die Vermittlung von Schlüsselqualifikationen, die für eine berufliche Tätigkeit unabdingbar sind, rundet das Studium ab.

Studienschwerpunkte

Allgemeines Verwaltungsrecht • Verfassungs- und Europarecht • Privatrecht • Kommunalrecht • Leistungsverwaltung • Finanzwirtschaft • Betriebs- und Volkswirtschaftslehre • Verwaltungswissenschaften • Sozialwissenschaften • Eingriffsverwaltung • Personalmanagement • Verwaltungsinformatik

Weitere Informationen zum Aufbau und zum Inhalt des Studiums finden Sie unter Allgemeine Verwaltung (sachsen.de).

Abschluss des Studiums

Die Hochschule verleiht den Absolventinnen und Absolventen den akademischen Grad „Bachelor of Laws“ (LL.B.). Gleichzeitig erwerben diese die Laufbahnbefähigung für die erste Einstiegsebene der Laufbahngruppe 2 der Fachrichtung Allgemeine Verwaltung mit dem fachlichen Schwerpunkt allgemeiner Verwaltungsdienst. Nach erfolgreichem Studienabschluss werden Sie in den Dienst des Freistaates Sachsen übernommen.

Zulassungsvoraussetzungen

Um eingestellt werden zu können, müssen Sie über eine abgeschlossene, zu einem Fachhochschulstudium berechtigende Schulbildung/Ausbildung verfügen. Von der Bewerbung ausgeschlossen ist, wer bereits zu einem früheren Zeitpunkt ein Studium an der HSF Meißen oder einer anderen verwaltungsinternen Fachhochschule aufgenommen, abgeschlossen oder beendet hat.

Bewerbung

Bewerbungsschluss ist der 22. Mai 2022. Bewerben Sie sich bitte online unter <https://www.hsf.sachsen.de/bewerberportal/studium/bewerbunglandesqualifizierungsmassnahme/>. Zusätzlich zu Ihrer Online-Bewerbung reichen Sie bitte einen Nachweis über den Grad und die Art Ihrer Schwerbehinderung bzw. über die Gleichstellung per E-Mail an auswahlverfahren@hsf.sachsen.de ein. Sobald Ihre Bewerbung online eingegangen ist, werden Sie in ein zweistufiges Auswahlverfahren einbezogen. Dieses beginnt mit einem schriftlichen Auswahltest, der an der Hochschule Meißen (FH) und Fortbildungszentrum stattfindet. Mehr Informationen zum Auswahlverfahren finden Sie unter www.hsf.sachsen.de. Darüber hinaus erreichen Sie für weitere Fragen die Geschäftsstelle des Auswahlausschusses unter: Telefon: 03521 473-645, E-Mail: auswahlverfahren@hsf.sachsen.de.

Weitere Informationen

Im Unterschied zu anderen Hochschulen und Universitäten absolvieren Sie das Studium in einem öffentlich-rechtlichen Ausbildungsverhältnis und erhalten ein Ausbildungsentgelt (die Ausbildungsbezüge betragen derzeit 1.383,69 Euro zzgl. etwaiger Familienzuschläge). Sie werden daher nicht an der Hochschule Meißen (FH) und Fortbildungszentrum „eingeschrieben“, sondern im Ergebnis eines Auswahlverfahrens von der Landesdirektion Sachsen eingestellt. Die Bewerberinnen und Bewerber, die aufgrund ihres Ergebnisses im schriftlichen Auswahltest in die engere Auswahl gezogen werden, erhalten eine Einladung zum Vorstellungsgespräch. Nach Abschluss der Gespräche entscheidet die Landesdirektion Sachsen, welche Bewerberinnen und Bewerber für das Studium am besten geeignet sind. Diese erhalten eine verbindliche Einstellungszusage. Mit der Einstellung für die Dauer des Studiums erfolgt automatisch auch die Zulassung zum Studium.

Škitny plót za kibutow mjez Róžantom a Łazkom

Wot kónca měrca steji mjez Róžantom a Łazkom škitny plót za kibutow. Wobhrodžena ležownosć je lehnišćo za kibutow a ma ptački před rubježnikami kaž liškami a kunami škitać. Plót bu wot Spěchowanskeho towarstwa sakskeje ptačoškitneje stacije Njeswačidło z. t. natwarjeny. Dalše informacije k škitnej kibutow nańdžeće pod: www.vogelschutzwarte-neschwitz.sachsen.de.



Foto: Winfried Nachtigall

Wotpadkowy akciski dzeń w Róžeńće

Dnja 2. apryla wobdžěli so wjace hač 30 wosobow w Róžeńće na wotpadkowym akciskim dnju Budyskeho wokrjesa. 13 napjelnjenych měchow z wotpadkami buchu při akciji nahromadžene. Wotpadkowy akciski dzeń bu wot přirodneje centrale, přirodoškitneje stacije Njeswačidło z. t. a zarjada za wotpadki Budyskeho wokrjesa iniciěrowany.

Dohromady wobdžěli so wjace hač 280 wosobow na dohromady šěsć stacijach na akciji. Štóz chce rady akciju za hromadženje wotpadkow w swojej wjesce, ze šulskej rjadownju abo towarstwom organizować, móže so pola přirodneje centrale abo přirodoškitneje stacije Njeswačidło z. t. přizjewić.

Wir suchen Sie für unser Team!

Zur Verstärkung unseres Teams suchen wir in 01920 Rabitz-Rosenthal für die Sorbische Grund- und Oberschule ab sofort Mitarbeiter (m/w/d) für die Unterhaltsreinigung im SV-pflichtigen AV.

AZ: Mo–Fr 14.30–18.30 Uhr
Bezahlung und Urlaub nach Tarif

Neugierig? Dann bewerben Sie sich jetzt! Wir freuen uns auf Sie!

Fon: 0151 20 300 471
E-Mail: bewerbung.dresden@rws-gebaeudeservice.de
postalisch: RWS Gebäudeservice GmbH | Niederlassung Dresden | Fritz-Reuter-Straße 32 c | 01097 Dresden

Jutry 2022

Dokelž buchu hygieniske naprawy w zwisku z koronu wolóžene, bě za wěriwych lětsa w póstnym času a jutry móžno so po zwučenym wašnju na Božich službach, wobradach a nutrnoščach wobdželić. A tež wosadni křižerjo nastajichu so při rjanym nalětnim wjedrje a po zwučenym wašnju na puć, zo bychu wjesole poselstwo zrowastanjenja Jězusa Chrystusa wozjewili, lětsa však pod nowym nawodnistwom. Roman Čornak z Konjec přewza wot Daniela Wjesele zastojnstwo wosadneho kantora. Při tutym nadawku podpěruje jeho Janek Wowčer.



Křižerjo chwalachu lětsa jara dobru techniku w Ralbicach, tak zo móžachu so wšitcy derje sobu modlić. Dohromady bě so lětsa 267 křižerjow na puć do Kulowskeje wosady podało (2021: 213, 2019: 278). Tež džakne kemše křižerjow wutoru po jutrach w putniskej cyrkwi Róžeńće běchu, hinak hač loni, zaso móžne.





pěstowarnja „dr. Jurij Mlynk“ w Ralbicach



Što swjećimy jutry?

W póstnym času zaběrachu so tež džěci w horće w Ralbicach z přihotom na jutry. Džěci namolowachu na běte łopjeno z wóskowymi krydami kruh w tučelowych barbach jako znamjo za Boha. Na to přemolowachu pisanosć z čornej krydu jako znamjo za čěmnotu při čłowjeku. Džěci mjenowachu wójnu; smjerc; horjo; zwadu; zawisć; hidu; strach; hdyž njepostucham; hdyž něšto skóncuju a to



njepřidam; hdyž hubjene wěcy wo někim rěču, hdyž wón pódla njeje. Po tym započinachu na čornym łopjeno padorunu škrabać, znamjo za Jězusa, zo bychmy zaso puć z čmy won namakali. Potom škrabachmy wodorunu z prašenjom, što je Jězusa skutkować: Wón je chorych wustrowjać, slepemu Bartimejej widženje darić, wodu do wina přeměnić. Pokaza so nam jako nadźija pisany puć žiwjenja z Bohom. Z tym njeje křižowanje na wulkim pjatku kónc, ale zrowastanjenje na to je spočatk noweho žiwjenja.

Franciska Neterowa, kubłarka

Šef z krónu na třěše

Krótko do jutrow, 6. apryla 2022, poda so horstka džěci Ralbičanskeje pěstowarnje z jednaćelom nošerja Andreasom Ošiku a wjednicu Jadwigu Nukowej na wopyt do Drježdźan. Cil bě statna kenclija, běrow ministerskeho prezidenta Sakskeje, kotryž bě delegaciju z Łužicy na debjenje nalětnich

hałużkow z jutrownymi jejkami přeprósyt. Jězba na sebi bě hižo dyrdomdej za sebje. Na awtodróze přescahnnychmy awta a nakładne awta a widzáchmy móst nad awtodróhu za zwěrjata. Po puću so džěćom přistupni, zo jědzemy do bėrowa šefa



Sakskeje, kotryž je podobny na krala; nima pak swoju krónu na hłowje, ale na třěše swojeho bėrowa, tak mjenowaneje statneje kenclije. Wočomaj džěći wotkry so w měsće jim znata korčma McDonalds a złoty jěchar, mjenowany Awgust Sylny. A při parkowanišću bjezposrědnje pódla cila njemóžachu so dodžiwać nad wšelako wulkimi tódzemi na Łobju.

W statnej kencliji samej zaspěwachu džěći spěw, powěsnychu zhromadnje z šefom domu jutrowne jėjka na hałużki. Na to přeprósy wón nas na brěčku a poprjanc za blido. Wotkryće jeho wulkeho bėrowa so džěćom jara spodoba: Móžachu prototyp swětoznateje Drježdžanskeje cyrkwe Našeje lubeje knjenje wobdžiwać a z wokna live přirunować a wuhódachu chorhoje, kotrež pyša jeho bėrow. Holcy wjerćachu so na to z wjeselom w kole, wjeršk za hólcow bě wšak krótka hra z ministerskim prezidentom z jeho footballom. Ach haj, a na kóncu zwažichu so džěći, so na wulki šefowy stół sydnyć.




Jadwiga Nukowa



Šulske nowiny

Serbska wyša šula Ralbicy
UNESCO projektna šula
Šula z ideju 2007
www.serbska-sula-ralbicy.de



Różownik 2022
27. lětnik, 264. wudaće

Dožiwjenjow mějachmy w jutrowniku dosć a nadosć. Wot rěčnych wubědźowanjow hač ke kulturnym zarjadowanjam, wšelakim ekskursijam, haj samo sportowym wubědźowanjam. Štó, što, hdže? Tu čitajće dale, jeli wćipni sće!

Probowe točenja w Konjecach

Srjedu, 16.03. přewjedže so z wyšej šulu projekt „Probowe točenja w Konjecach“. Ekskursija bě za našu wokolinu jara njewšědna. Šulerki a šulerjo wot pjateho do dźesateho lětnika kaž tež wučerki a wučerjo mějachu móžnosć, projekt bliže zeznać. Džeń běše rozrjadowany do dweju stacijow. Za přenju staciju doběžachmy sej do Konjec, hdžež so probowe točenja přewjeduju. Tam su wulke nastroje natwarjene, kotrež móžachmy sej wobhladać. Nimo toho předstaji so nam tak mjenowany „Einstein-teleskop“ bliže, kotryž ma něhdže 200 metrow pod zemju nastać. Zhonichmy, zo ma so hoberska granitowa woršta, kotraž wustupuje w tutej formje jenož jara zrědka na swěće, přepytować. Druha stacija wjedžeše nas wróco do šule, hdžež čakaše na nas knjez Stegmann z Němskeho centruma za astrofyziku. Wón je tohorunja jedyn z hłownych sobuskutkowacych tutoho projekta. W rozmołwje ze šulerkami a šulerjami rozkładže plany bliže a wotmołwješe na wulke mnóstwo prašenjow wćipnych připosłucharjow. Powšitkownje hodži so njec, zo mějachmy njewšědny a wosebity projekt, kotryž zwosta šulerkam a šulerjam runje tak kaž wučerkam a wučerjam pozitiwnje w pomjatku.



Štóż ma zajim na dokładnišich wuwjedženjach projekta, tón zhoni wjac w podcasće našeje šule abo na wšelakich internetowych stronach.

- tekst a wobraz: Lydija Pešmanowa: -

Dzeń swětowego dźiwadła



Na dnju swětowego dźiwadła dojdźechu sej šulerki a šulerjo, wučerki a wučerjo našeje šule do Budyšina, zo bychu sej wšelakore předstajenja wobhladali. Pjaty (na wobrazu) a šesty lětnik wobhladašej sej jako prěnje předstajenje „Futuri“, po tym „Zejler w šuli“ a na kóncu „Knjeni

Móškowa“. Sedmemu, wosmemu a dźewjatemu lětnikej zahrachu so kruchi „Zickenkrieg“, „Eine Tanzshow“ a „Aladdins zauberhafte Reise“. Džesaty lětnik běše w předstajenjomaj „Futuri“ a „Herr der Fliegen“.

Při naprašowanju šulerkow a šulerjow bě powšitkowny feedback dnja jara pozitiwny, štož zwisowaše wosebje z wotměnu dźiwadłowych hrow.

- tekst: Hana Eiseltec, Louisa Domanic a Klara Matkec (6. lětnik),

wobraz: Julija Serbinec -

Exkursija do Čorneho Chołmca

Na slónčnym štwórtku w měrcu, dnja 17. nalětnika 2022 wjedžeše nas šesty lětnik - ekskursija do Čorneho Chołmca. Jako sej tam dojdźechmy, witaše nas młoda žona. Mjez druhim



wobhladachmy sej wulke wodowe koleso a zeznachmy pjekarja, z kotrymž sprihotowachmy čěsto za chléb. Hotowe čěsto sunychmy naposledk do pjecy. Dołhož so čěsto pječeše, wobhladachmy sej wustajeńcu wo Krabaće. Jako běše chléb hotowy, dyrbješe hišće wochłódnić. Tak dachmy sebi w mjezy času hišće



plinc z jablučnicu zestodžeć. Derje nasyceni wobhladachmy sej tam mały muzej. Wochłódnjene chléby smědzachmy sej sobu domoj wzać. Po rjanym dnju dojedźechmy spokojni, nasyceni a z lutymi nowymi začišćemi zaso wróco do šule. Zapłać Bóh knjezej Zahrodnikej a knjezej Kliemankej za organizowanje tutoho lóštneho wulěta!

- tekst: Tessa Młodźinkec a Johanna Wićazec (6. lětnik), wobraz: Matthias Kliemank -

Olympiada serbskeje rěče

Kaž připowědźene rozprawjamy w tutym wudaću wo Olympiadze serbskeje rěče, kotraž wotmě so spočatk apryla. Knjez Wowčer bě nas přewodzał. Štó bě so wšitko wobdźělił, běchmy hižo w předchadźacym wudaću předstajili. Wjeselimy so Wam zdźělić, zo běše naša šula jara wuspěšna! Louisa Domanic je so tež wobdźěliła a rozprawja nam wo dnjach we Wodowych Hendrichecach.

„Na přnim dnju wšitko zeznachmy: Stwy so rozdźělichu a rozrjadowachmy so do skupinow. Na to zdźěli so nam tema: *pčotka*. Dachmy so hnydom do džěta a přemyslowachmy wo kreatiwnym wuhotowanju plakata a hrajeje sceny za prezentaciju. Wječor wobhladachmy sej film „Syn Winnetou“. Na druhim dnju smy nadawki dokončili. Kóždy je tohorunja w samostatnym džěle nastawk napisal.



Posledni dzeń bě skónčnje tak daloko: MYTOWANJE! Běchmy wšitcy jara napjeći. Mytowachu so najprjedy najlěpše nastawki. Sym so jara wjeseliła, dokelž bě mój jedyn z nich! Dwaj šulerjej wotzamknyštaj tohorunja z predikatom „jara derje“. Dale

hódnoćachu so skupinske džěta. Tež při tutej kategoriji bě mała skupina našich šulerkow a šulerjow jara wuspěšna. Wulki aplaws na kóncu běše jara hnujacy a

běchmy jara wolóženi a wjeseli tute nazhonjenja we Wodowych Hendrichecach hromadžíc."

- tekst: Hana Eiseltc a Klara Matkec (6. lětnik),

wobraz: Michał Wowčer -

Dźiwadłowe předstajenje „Šěrcec Hanka”

Kónc nalětnika wopytachu šulerki a šulerjo wosmeho do dżesateho lětnika kaž tež někotři wučerki a wučerjo wučby serbsčiny dźiwadłowe předstajenje „Šěrcec Hanka” w Budyšinje. Lydija Pešmanowa je so serbsčinarja knjeza Jana Rjedu k tomu naprašowała.

„Dźiwadłowe předstajenje »Šěrcec Hanka« bě za mnje jedne z najlěpšich serbskorěčnych předstajenjow NSLDž minjenych lět. Hra bě jara hnujaca a jewišćowy wobraz wulkotnje natwarjeny. Hudźba kaž tež rekwizity podšmórnychu wobsah krucha. Disciplina šulerkow a šulerjow je so mi wosebje na kóncu lubita, jako bě před přikleskom něhdže poť mjeńšiny doťho ćišina na žurli. To pokazowaše tež jara dobry hrajny wukon.”

- tekst: Jan Rjeda a Lydija Pešmanowa -

Wóskujemy jutrowne jejka

W tydźenju do jutrownych prózdniń wuspyta so pjaty lětnik we wóskowanju jutrownych jejkow.

Knjeni Hajnowa přewjedže ze šulerkami a šulerjemi w rysowanju kreatiwnu hodžinu. Mali wuměłcy zeznachu wšelake techniki, mjez druhim bosěrowanje. Hordži prezentowachu swoje wuslědky.

- tekst: Lydija Pešmanowa,
wobrazaj: Gabriele Cyžowa -





Wučerski wolejbul

Nowačk z porážku a dobyćom

Wučerske wolejbulowe mustwo Serbskeju šulow Ralbicy/Worklecy je so w měrcu přeni króć na wučerskich wolejbulowych mišterstwach wobdźěliło. W Lubiju startowaše měšana šěstka na druhim hrajnym dnju přećiwo domjacemu cytkkej tamnišeje wyšeje šule z jasnej porážku w dwěmaj sadźbomaj (15:25; 17:25). W druhej hrě podležachu serbske wučerki a serbscy wučerjo w přenjeju sadźbje snadnje přećiwo wyšej šuli z Malešec z 23:25. W druhej sadźbje wuhrachu sej Malešenjo předskok 10:05 přećiwo serbskemu cytkkej, po tym pak zamóžachu Ralbičenjo/Worklečenjo přiběrajcy dypkować, tak zo steješe na kóncu druheje sadźby 25:17. Tuž dyrbjеше rozsud w tiebreaku padnyć. Serbska šěstka hraješe koncentrowana dale a doby tež rozsudnu třeću sadźbu jasnje z 15:9.

Za wolejbulowe mustwo Serbskeju šulow Ralbicy/Worklecy hrajachu: Křesćan Zahrodnik, Jan Rjeda, Pětr Bejmak (stejo wotlěwa), Mathias Kliemank, Nadine Čižankec a Šćěpan Wjeńka (klečo wotlěwa)

W měsće dwójce dypkowali

Tři wučerske mustwa Budyskeje wučerskeje wolejbuloweje ligi su so wutoru do jutrow w měsće na nachwatanski hrajnny dzeń zetkali. Serbska šěstka šulow Ralbicy/Worklecy nastupi najprjedy přećiwo Wjazońcy. Wot spočatka hrajachu serbscy pedagogojo koncentrowani, byrnjež so najprjedy na poměrnje niski wjerch Budyskeje hale zwučić dyrbjeli. Přenjeju sadźbu rozsudźichu jasnje z 25:19 za sebje. Po změnje stronow hraješe Wjazońca sylnišo, na kóncu pak dobychu Ralbicy/Worklecy z 25:23. Tuž móžeše



serbska šestka sebjewědomje do druheje partije wječora startować. Z jasnym 25:13 kónči přenja sadźba přećiwo Powołanskemu šulskemu centrumej Budyšin. W druhej sadźbje pak serbske mustwo slabšo startowaše a ležeše spočatnje z 0:4 w zastatku. Bul po bulu pak zamóžachu Ralbičenjo/Worklečenjo dypkować. Tak dobychu z rezultatom 25:23. Z dobyćomaj steji mustwo serbskeju šulow Ralbicy/Worklecy nětko na třecim městnje tabulki ze šěsć dypkami.

Za serbske mustwo šulow Ralbicy/Worklecy hrajachu: Nadine Čižankec, Mathias Kliemank, Lydija Pešmanowa (stejo wotlěwa), Jan Rjeda, Pětr Bejmak a Šćěpan Wjeńka (klečo wotlěwa).

INFORMACIJE - TERMINY - WŠELČIZNY

02. do 06. róžownika: wotchadna rjadowniska jězba 10. lětnika do Lipska

10. róžownika: „Džeń čitanja“, knižne předstajenje 5. lětnika

wot 20. róžownika: start pruwowanjow 10. lětnika

- 20.05. jendželščina pisomnje
- 23.05. serbščina / němčina pisomnje
- 30.05. matematika pisomnje

26. róžownika donjebjesspěće - swobodne

27. róžownika swobodny džeń

Meja

Kwětki kćěja,
nětk je meja.

Wšitcy so to
wjesela,

ptački rjenje
fifola.

Meja so pyši,
wupytamy štom
najwyši.

Rejujemy wokolo
njej',
skónčnje naša
meja steji.



Wjesny swjedzeń Konjegy / Šunow Dorffest Cunnewitz / Schönau 21.05.-22.05.2022



Sobota, 21.05.2022

- 16.00 Zahajenje z džěcacy m swjedženjom
- 17.00 Natočenje piwa
- 18.00 Koparski turněr
- 20.00 Hudźbna zabawa
- 21.30 Wječorny program našeje młodžiny

Njedźela, 22.05.2022

- 10.00 Rańše piwo
- 10.30 Wubědzowanje wohnjowych woborow wokolnych wjeskow
- 10.30 Wojerske towarstwo 1885 Konjegy so předstaji
- 11.30 Wobjed
- 14.30 Mejemjetanje w Šunowje / po tym w Konjecach
- 15.30 Kofej a tykanc
- 16.30 Požohnowanje noweho awta wohnjoweje wobory

Zakónčaca zabawa z disko

Wo jědze a napoje na wšěch dnjach staraja so wohnjowa wobora a blidotenisowe towarstwo a młodžina.

Sonnabend, 21.05.2022

- 16.00 Eröffnung mit Kinderfest, Motto Feuerwehr
- 17.00 Bieranstich
- 18.00 Straßenfußball
- 20.00 Musikalische Unterhaltung
- 21.30 Abendprogramm unserer Jugend

Sonntag, 22.05.2022

- 10.00 Frühschoppen
- 10.30 Wettbewerb der FFW der umliegenden Dörfer
- 10.30 Militärverein 1885 Cunnewitz stellt sich vor
- 11.30 Mittagessen
- 14.30 Maibaumwerfen in Schönau / danach in Cunnewitz
- 15.30 Kaffee und Kuchen
- 16.30 Segnung des neuen FFW-Autos durch Pfarrer Delan

Ausklang des Dorffestes

Um das Essen und Trinken an allen Tagen kümmern sich die FFW Cunnewitz / Schönau, der DJK TTV Cunnewitz und der JC Cunnewitz / Schönau.